

婦科胎產經驗良方

9

省中醫藥學會書

編目 11-257 $\frac{4}{4}$

胎產輯萃卷之四

新安汪嘉謨至言纂輯

同懷弟嘉訓近光

校訂

同宗弟朝綱振三

心痛

產暫 心者血之主人有宿寒因產大虛寒搏於血血凝不得消散其氣逆上衝擊於心之經絡故心痛但服大巖蜜湯治之寒去則血脈經絡通心痛自止若誤以爲厥以傷寒治之則虛極寒益甚矣

大全 產後心痛爲陰血虧損隨火上衝心絡名曰心
包絡痛宜大巖蜜湯治之若寒傷心經名曰真心痛朝
發夕死夕發朝死無藥可救

薛 前證若陽氣虛寒用巖蜜湯溫之瘀血上衝用失
笑散散之血既散而痛仍作用八珍湯補之大凡心腹
作痛以手按之却不痛此血虛也須用補養之劑

一產婦患前證昏憤口噤令汗不止手足厥逆用六君
子湯加附子一錢以回其陽二劑頓甦又以十全大補
湯養其氣血而安

沈朗仲治卜晉公夫人產後胸中作痛痛甚則迫切不能支至欲求死診其脉兩手弦濇少神察其候不能轉側不得言語余曰胸中者陽氣所治之位今陰邪上入陰與陽搏所以作痛陰陽適當相結補之無益攻之則愈結鎮墜之益足以抑遏生陽而阻滯邪氣惟交通一法足盡開陽入陰通上徹下之妙然後陰歸於下陽治於上何胸痛之有哉時定一方用人參三錢肉桂一錢合仲景黃連湯一劑痛減二二三三劑宿疾頓釋繼進加桂理中湯數劑神旺如初

七氣手拈散 治產後心氣攻痛

玄胡索

小茴

白芍藥

乾漆炒

枳殼

各二錢

黃連

石菖蒲

香附

蘇葉

各一錢半

沒藥

乳香

各一錢

甘艸

六分

右剉散分作二服每服水一盞半薑三片煎至七分

空心服

大巖蜜湯

生乾地黄

當歸

獨活

吳茱萸

芍藥

乾薑

甘草

桂心

遠志肉

各一
細辛 五錢

右爲散每服半兩水三盞煎至一盞去滓稍熱服評
曰產後心痛雖非產尋常疾痛或有九痛未必便是
血痛設是巖蜜湯豈可用熟地黃熟地黃泥血安能
去痛此方本出千金用生乾地黃耳茱萸一升合準
五兩乾薑三兩細辛治停寒在下焦方本一兩却減
半兩制奇制耦量病淺深自有品數不可妄意加減
然以巖蜜湯治血痛不若失笑散更捷

失笑散

治心腹痛欲死百藥不效服此頓愈

此方與
紫金丸

大同
小異

五靈脂

蒲黃
各等分

右爲末以醎醋調二錢熬膏入水一盞煎至七分食
前熱服良驗

經心錄蜀椒散 療產後心痛此大寒所爲

蜀椒 三合

白芍 三兩

半夏

當歸

桂心

人參

甘艸

茯苓

各二兩

生薑汁

五合

蜜 一升

右切以水九升煮椒令沸下諸藥煮取三升半去滓

下薑汁及蜜更煎取三升服五合至六合

治產後血不盡心腹痛荷葉熬令香爲末水煎下方寸

匕

聖惠 治產後惡血衝心痛氣悶欲絕用桂心三兩搗

羅爲散狗胆汁和丸如櫻桃大不拘時候熱酒磨下

二九

手拈散 治血氣心腹疼痛

草菓

玄胡索

五靈脂

沒藥

各等分

右爲末每服二錢溫酒調下

延胡索散 治婦人血氣攻心腹疼痛

延胡索

當歸

川芎

桂心

各七錢半

木香

枳殼

桃仁

各五錢

熟地黄

一兩

右咬咀每服三錢水一盞姜三片煎至七分去滓熱

服

月候不來

大 由產傷動血氣其後虛損未復而爲風冷所傷血之爲性得冷則凝結故風冷傷於經血結於胞絡之間故令月水不通也凡血結月水不通則成血瘕水血相併復遇脾胃衰弱肌肉虛者則爲水腫也

婦人衝任之脉爲經絡之海皆起於胞內而手太陽小腸之經手少陰心之經此二經上爲乳汁下爲月水若產後月水不通者蓋新產之後勞傷氣血或去血過多乳汁通行自是不通若乳子歲半或一歲之內而月經

不行此是常候卽非病也何必通之諺云妳假是也若
半歲而行者或四五個月便經行者皆是少壯血盛之
人注受極易產乳必衆其子失乳必四肢尪羸肚大青
筋頭大髮焦好啖泥土病名無辜若經血有餘者不可
以藥止之若產後一二歲月經不通而無疾苦何必服
藥或勞傷氣血衝任脉虛氣血衰少而不能行者但服
健脾胃資氣血之藥自然通行若用牛膝紅花蘇木乾
漆蜜蟲水蛭等藥以通之則爲害滋大經水枯竭則無
以滋養其能行乎初虞世所謂譬猶索萬金於乞丐之

手雖捶楚並下而不可得也
學者更宜詳審而療

之

腹脹

郭 產後腹脹滿悶嘔吐不定者何荅曰敗血散於脾胃脾受之則不能運化精微而成腹脹胃受之則不能受納水穀而生吐逆醫者不識若以尋常治脹止吐藥治之病與藥不相干轉更傷動正氣疾愈難治但服抵聖湯則愈

薛 前證若敗血傷於脾胃宜用前方若飲食停於脾胃宜用六君厚朴若飲食傷於脾胃宜用六君子湯大凡損其脾者當節其飲食爲善

一產婦患前證或用抵當湯敗血已下前證益甚小腹
重墜似欲去後余謂此脾氣虛而下陷用補中益氣湯
加炮薑溫補脾氣重墜如失又用六君子湯而安
局方平胃散加人參亦可

抵聖湯

赤芍

半夏

澤蘭

人參

陳皮

甘艸

炒各
一兩

右用生薑半兩焙乾水煎

誤消健脾湯

治產後傷食

誤服消耗藥多致成脹滿

人參 二錢
白朮 一錢
茯苓 一錢
甘艸 三分

川芎 七分
當歸 二錢
腹皮 四分
陳皮 四分

白芍 一錢
神麴 一錢
砂仁 或脇腹痛或如傷冷粉
塊痛加五分

梨橘腹內大痛加吳茱萸 一錢

